

Prost Neijohr

konn merr aach jetz noch saache wenn merr jemond treffe dut, die odder den merr im neie Johr noch nitt geseh hott. Wenn donn noch e bissi Zeit ferrs Babbele iss, donn winscht merr noch: Unn alles Gute ferr Disch unn Doi Familie, bleibt allminonner gesund unn basst vor alle Dinge uff, dassderr nitt hiefalle dut, denn su ebbes konn merr nitt gebrauchte, egal ob merr jung odder alt iss.

Awwer grad wenn enn alde Mensch, su wie de Honnes ooner iss, hiefalle dut, werrderr sisch bestimmt ebbes breche, unn wanner donn ins Kronkehaus kimmt, musser gut druff soi, um widder lewend erauszekumme, weil dess Leie im Kronkebett iss joo aach nitt gesund.

Merr denkt halt onn su ebbes, wenn e Johr oofonge dut, merr denkt awwer aach doodroo, dass merr in soim Lewe schunn vill iwwerstonne hott, unn wenn donn noch Monn unn Fraa beisomme sinn, dut des genau su aach ferr dess onner Ehedeil zutrefte.

No ja, donn wolle merr emol abwarde, was dess neie Johr onn Iwwerraschunge ze biete hott, die dun joo nitt immer nor die Familie betreffe. Was in irschend ooner Eck in de Welt bassierd unn vor alle Dinge wenss enn Kriesch iss, dess dut joo mittlerweile alle Leit in Flerschem, in Hesse unn in gons Deitschlond unn Europa oogieh, aach ob dess die Preise ferrs Gas odder ferr de Strom odder ferr noch ebbes gons onnersders sinn. Isch denk debei onn dess, was merr fast jeden Daach im Fernseh odder im Radio ze sehe unn ze heern kriecht, dass die Welt heiß unn immer heißer werdd. Unn dessweesche soll grad hier in Deitschlond koo Gas unn koo Kohle mieh verbrennt werrn, weil mir donn die gons Welt um 1,5 odder sogar um 3,5 Grad uffheize deede. Isch glaab onn die Klimaerwärmung, bin mir awwer sicher, dass mir Deitsche alloo die nitt uffhalle kenne, weil die Länder mit vill Mensche wie in Indien, China, Australien odder in de USA noch 30 Johr long Gas unn Kohle verbrenne dun unn debei Millione vunn Tonne CO2 in die Luft bloose.

Isch moon, ess deet longsom Zeit werrn, nitt alloons uff de Thermometer ze gugge, naa, unser Politiker missde endlich oofonge, zesomme mett Leit aus de Wissenschaft ze iwwerleesche unn donn ze entscheide, wie mir uns vor dere Hitz einischermaße schitze kenne, hauptsächlich in de grüße Städte, weil die sisch omm meisde uffheize unn weil debei aach vill alde Leit sterwe dun, weil die wie die gons Lebensgesellschaft doodruff nitt vorbereit sinn.

Ess dut joo immer mieh su Klima-Aktivisde gewwe, die moone, sie alloons wissde was ze mache iss unn die dessdeweesche su laut kreische, dass immer im Fernseh ze Wort kumme. Dabei dun se dess Wort Kompromiss, also die geeseidische Übereinkunft, iwverhaupt nitt kenne, sie hawwe Recht unn die onnern nitt unn weil die onnern zu bleed sinn, dess sellwer ze merke, misse se druffgestumbd werrn mett Aktione, die unserooner nor verschrecke. Unn grad weil se doodebei unn gons rischdisch de griene Wasserstoff erwähne missde se wisse, dass de Ersatz vunn Erdgas dorsch dess Gas nitt vunn heit uff moie meeschlich iss unn dass doodeferr noch e paar dausend Windräder uffgestellt werrn misse, awwer gesche die sinn se halt aach.

Ach, wasse Welt!

Eiern Honnes